

Sarkina Bt Mat Saad @ Shaari

From: Unit Komunikasi Korporat
Sent: Tuesday, August 8, 2017 9:34 AM
To: UUM - All Staff; UUM - All Students
Subject: Kumpulan KIK UUM Cemerlang Di Konvensyen KIK Peringkat UA Kali Ke-13



Unit Komunikasi Korporat
CORPORATE COMMUNICATION UNIT
Universiti Utara Malaysia



8 OGOS 2017 / 15 ZULKAEDAH 1438H
=====

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

Oleh: Seksyen Media
Gambar oleh: IPQ

KUMPULAN KIK UUM CEMERLANG DI KONVENSYEN KIK PERINGKAT UA KALI KE-13



UUM ONLINE: Kumpulan PLEXUS dari UUMIT dan Kok Holistik dari Pusat Kokurikulum tampil cemerlang dalam Konvensyen Kumpulan Inovatif & Kreatif (KIK) Peringkat Universiti Awam (UA) Kali Ke-13 apabila dua projek yang dihasilkan kumpulan tersebut mendapat penarafan emas pada

konvensyen yang berlangsung selama tiga hari pada 1 hingga 3 Ogos lalu di Universiti Malaysia Perlis (UniMAP).

Selain itu, Kumpulan PLEXUS turut dinobatkan sebagai johan (Kategori Pengurusan) dengan membawa pulang hadiah wang tunai sebanyak RM6,000.00, piala dan sijil penarafan. Manakala Anugerah Fasilitator Terbaik (Kategori Pengurusan) dimenangi Ahmad Ruzaini Janudin.

Kumpulan PLEXUS diketuai Yusra Asyikin Md Yunus dengan tajuk projek Kesukaran Mengenalpasti Lokasi Suis Rangkaian Dalam Kampus UUM. Hasil daripada projek ini, Sistem Info Infra ITOC telah diwujudkan yang memberi impak apabila lokasi suis rangkaian di seluruh kampus UUM dapat dikenalpasti dengan lebih cepat dan memudahkan tugas untuk mengenalpasti masalah aduan rangkaian. Projek ini juga dapat menjimatkan masa serta menyumbang kepada peningkatan mutu kerja yang lebih berkualiti.

Manakala Kumpulan Kok Holistik diketuai Shamsul Amri Abdul Manap dengan tajuk projek Kelemahan Proses Pinjaman Peralatan Barang Ko-Kurikulum di Pusat Ko-Kurikulum UUM.

Perasmian Konvensyen KIK itu telah dirasmikan Datuk Nik Ali Mat Yunus, Timbalan Ketua Setiausaha (Pembangunan Kementerian Pendidikan Tinggi Malaysia), manakala hadiah kepada pemenang disampaikan Farid Sulaiman wakil Pengerusi Lembaga Pengarah Universiti UniMAP.

Konvensyen KIK 2017 menyaksikan 39 kumpulan daripada UA seluruh negara bertanding bagi merebut anugerah mengikut dua kategori iaitu Kategori Pengurusan dan Kategori Teknikal.

Antara anugerah yang dipertandingkan dalam Konvensyen KIK itu ialah Anugerah Persembahan Terbaik (Kategori Pengurusan) dimenangi oleh kumpulan TAHAMMAS dari UMS; Anugerah Persembahan Terbaik (Kategori Teknikal) oleh kumpulan SINARAN dari UKM; Anugerah Inovasi Terbaik (Kategori Pengurusan) oleh kumpulan VORTEX dari UiTM Perak; Anugerah Inovasi Terbaik (Kategori Teknikal) oleh kumpulan INEE MEDICAL dari UniMAP dan Anugerah Khas (Anugerah Inovasi Harapan) oleh kumpulan D-MEDIC dari UPNM.

Johan keseluruhan dimenangi Kumpulan MEDITECH dari UniSZA yang turut merangkul gelaran johan (Kategori Teknikal) dan Anugerah Fasilitator Terbaik (Kategori Teknikal) dimenangi oleh Dr Nik Azuan Nik Ismail dari Kumpulan SINARAN, UKM.



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood

as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.